



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Caput III. Quid de Præceptis Ecclesiæ.

urn:nbn:de:hbz:466:1-42561

rum, non autem succedit in fama vel honore , & consequenter etiam non succedit in debitis famæ vel honoris, quæ solam personam in famantis respiciunt : neque verum est , quod defunctus teneretur compensare in pecunia , si non posset aliter , ut n. 299. dictum, ergo multò minus ad hoc tenetur hæres. Pars 2. patet, quia defunctus tenebatur damna illa fortunæ compensare, & bona ejus transeunt ad hæredem cum isto reali onere.

Circa pœnas & actiones, quæ competit ratione injuriarum contra famam & honorem ; item ratione libellorum famosorum, videri possunt Dicast. à n. 429. & Haun. à n. 569.

C A P U T II.

Quid de Præcepto nono , & decimo.

Non concupisces, &c.

R Esp. Prohibent omnes internas concupiscentias & delectationes voluntarias isto. rum operum , quæ præceptis secundæ tabulæ, præsertim sexto & septimo vetantur. Qua de re vide suprà ; & patebit ex dicendis de peccatis, infr. l. 5.

C A P U T III.

Quid de Præceptis Ecclesiæ.

R Esp. Etsi ea sint plurima , præcipue tamen 1258 toti Christiano populo communia quinque numerantur ; Ex quibus hic agendum restat de tertio, quia de 1. & 2. actum est in præcepto 3. De catalog. De 4. & 5. infrà lib. 6. de Sacram.

D U-

D V B I V M I.

Quid requiratur ad Jejunium Ecclesiasticum, & quanta ejus obligatio.

1259 "R Esp. Jejunium ex præcepto Ecclesiæ, obligante sub mortali, requirit tres conditiones.

"Laym. l. 4. t. 8. c. 1. n. 13.

" I. Est unica tantum comestio de die, in ordine ad nutritionem: Quæ ita necessaria est conditio, ut secundâ comestione pecces mortaliter, reliquis autem supra secundam, summum venialiter tantum. Lay. n. 12. & 13.

" II. Est abstinencia ab esu carnium, itemque ovorum & lacticiniorum; eò quod ex carne originem trahant, multumque nutriant. Unde intra Quadragesimam jure communi prohibentur; extra eam permittuntur. Imò intra eam, quibusdam locis consuetudo permittit, quæ ubique notanda est. Bon. to. 2. de præcept. Eccles. d. ult. q. 1. p. 2. ex Sylv. Nav. Less. lib. 4. c. 2. n. 8. Azor, Lay. n. 3. Fil. tr. 27. p. 2. n. 44. & seqq. Fagund. p. 4. l. 1. c. 2. Adde, dispensatum quoad carnes, etiam lacticiniis & ovis vesci posse; non tamen

La Croix contra "vice versa: & cui est permisus esus carnium, etiam secunda refectione permissa videtur, ut contra Reg. Less. Nav. &c. probabiliter docet Az. l. 7. c. 10. q. 3. Fil. c. 3. q. 4. Tol. &c. Confirmataque Bon. l. c. si esus carnium sit permisus ob debilitatem naturæ, & non propter nauseam, vel damnum tantum. V. Less. Fil. Azor, &c. Ratio, quia de essentia jejunii est abstinentia à carnisbus.

" III. Conditio est, certa hora refectionis; quæ est

est circa meridiem , nisi aliud loci consuetudo
ferat: Idque non mathematicè computandum,
sed moraliter. Dictam autem horam notabili-
ter sine justa causa , prævenire , mortale putat.
Nav & quidam alii; sed probabilitas docent esse
veniale *Tol.* & *Fill.* n. 70. 71. & 72. eò quod non
violetur substantia , sed tantum circumstantia.
Less. n. 13. *V. Laym.* n. 10. & seq.

Dixi , notabiliter , & sine causa : quia prævenire
ex justa causa v. g. si iter faciendum , si hospites
dimitendi &c. & absque ea , per medium ho-
ram tantum nullum peccatum videtur esse. Di
latio in vesperam & licita est & laudabilis , si ni-
hil antè sumas. *Ex dictis resolves:*

I. Non solvitur jejunium per divisionem
prandii, ob negotium incidens , vel si quid su-
matur per modum medicinæ , vel ob debilita-
tem , aliamve causam rationabilem , uti apud
Religiosos faciunt ministri & lectors mensæ ,
quia non nisi unicam refectionem intendunt. Et
hinc *Sanch.* in *Consil.* l. 5. c. 1. d. 24. *Escob.* t. 1. E. 7.
c. 3. n. 19. excusant famulos mensæ ministran-
tes , si aliquid prægustent , aut ex reliquiis gulose
sumant , tum ut melius serviant , tum ut famem
sublevent ; intellige , (si cum illorum refectione
licita moraliter uniatur) Nec solvitur per sum-
ptionem electuariorum vel crebriorem hau-
stum : ante quem modicum sumere , ne potus
noceat , permittit *Azor* , *Esc.* n. 28. & quidem
toties , quoties biberit , dummodo non in frau-
dem jejunii , v. g. 5. vel 6. amygdalas , vel quid-
simile. *Regin.* & alii cum *Dian.* p. 1. t. 9. R. 24.
quia ordinantur potius ad alterationē corporis,
vel digestionem ciborum , quam nutritionem.

Excise

„ Excipe tamen 1. Si quis sumeret lac, juscūlū,
 „ & similia, quæ sive sorbeātur, sive comedantur,
 „ non habent rationem potūs, sed cibi, ac princi-
 „ paliter referuntur ad nutriendum. 2. Si quis po-
 „ ma, pyra, vel etiā uvas in magna quantitate su-
 „ meret; quia habent rationem cibi, *Dicast.* & *alii*
 „ 6. cum *Dian.* p. 9. t. 6. R. 14. 3. Nisi quis in ma-
 „ gna quantitate electuaria, in fraudem jejunii,
 „ sumeret. Qui verò in potu valde excederet,
 „ contra temperantiam quidem, non tamen con-
 „ tra jejunium peccaret, saltem mortaliter, *Laym.*
 „ n. 27.

„ II. Jejunium non solvitur per collatiuncu-
 „ lam vespertinam, et si hæc non ad somnum, sed
 „ nutritionem ordinetur: quia consuetudo per-
 „ mittit. Addo, *vespertinam*, quia sine causa non li-
 „ cet illam sumere manè vel meridie: ex justa ta-
 „ men causa licet utrumque; ut si fiat ratione de-
 „ bilitatis, negotiorum, studiorum: sine ea erit ve-
 „ niale tantum, cùm non violetur substantia jeju-
 „ nii.

„ Quoad ejus quantitatem, communiter desi-
 „ gnatur quarta vel quinta pars integræ coenæ, ut
 „ contra *Dia.* 1. p. t. 9. R. 1. *Turr.* &c. docet *Regin.*
 „ c. 2. l. 6. n. 185. *Lay.* n. 9. *Fill.* nu. 33. dicens, ita
 „ decisum esse in celebri academia Theologo-
 „ rum, qui omnes in quartam partem conser-
 „ ferunt. Idem probat *Esc.* E. 13. c. 3. n. 61. si qui-
 „ dem coena ordinaria duarum librarum pondus
 „ non excedat; quia talis in reliquis præceptis
 „ modica censetur, ac proinde tantò quis magis
 „ minùsve peccat, quantò magis vel minùs trans-
 „ greditur: Adde, quibusdam in locis ex consue-
 „ tudine plus permitti sacerdotalibus, quam Reli-
 „ giosis;

giosis; nobilibus, quām plebeis, & in frigidis re-[”]
gionibus quām in aliis, ut notat. Lay. n. 9. & Bon.[”]
to. 2. de præc. Eccl. di. ult. q. 1. pun. 3. n. 2. Plus item[”]
quibusdam locis, in vigilia Nativitatis Domini[”]
(& alibi in Cœna Domini) permitti ex consue-[”]
tudine, dicit Med. Caj. n. 34. Sanch. Escob. E. 7.[”]
c. 3. Quod Bon. l. c. non improbat, ubi ea con-[”]
suetudo est recepta.[”]

Quoad qualitatem, in ea prohibentur cibi ad[”]
nutritionem communiter ordinati, qui inter[”]
fercula ferè apponuntur: Permittuntur autem[”]
leviores, ut fructus, aliave ex saccharo & melle[”]
confecta; & pro more regionis parūm butyri &[”]
casei, ut in regionibus Septentrionalibus, ob[”]
fructuum inopiam. Lay. n. 9.[”]

III. In confessione non sufficit dicere; non[”]
servavi, aut fregi jejunium, sed addendum, u-[”]
trūm refectione multiplici, an esu carnium. Et si[”]
hoc, utrūm semel an sèpius quantitatem nota-[”]
bilem sumperis, quia probabile satís est, etiam[”]
in hac materia, parvitatem à mortali excusare,[”]
ut docet Bon. p. 2. & Tan. t. 3. d. 3. d. 5. v. g. si[”]
coquus aut ægroti minister, parūm carnis præ[”]
gustent; Esc. n. 54. Sanch. dub. 12. n. 10. ve[”]
ex aliis cibis quartam tantùm partem collatic-[”]
nis serotinæ, sive unam vel duas uncias sumat;[”]
hanc enim esse materiam parvam, cum Turr. &c.[”]
Leon. docet Dia. p. 5. t. 5. R. 11. & p. 8. t. 7. R. 54.[”]
esse probabile. Si autem sèpius eodem die pa-[”]
rūm sumeret, peccaret graviter; quia materiæ[”]
illæ coalescerent in unam magnam, ut contra[”]
Salas docet Dia. p. 3. t. 6. R. 43. Denique si sit in[”]
Quadragesima, addendum, utrūm fregeris esu[”]
ovorum, aut lacticiniorum: tametsi enim Dian.[”]
p. 1. t. 9. R. 41. & p. 3. t. 6. miscel. R. 80. citans[”]

Tom. III.

Eee

mul-

»multos doctores, dicat certum esse, quòd sit
 »mortale, si non ex jure positivo, saltem ex con-
 »suetudine, in omnibus ferè mundi partibus re-
 »cepta, vesci ovis & lacticiniis in Quadragesima:
 »probabile tamen est, & tutum, (saltem in his
 »Germaniæ partibus) esse tantùm veniale. Lay.
 »n. 3. Fag. l. 1. c. 2. &c. Tum quia, licet consue-
 »tudo habeat, ea tamen non semper sub pecca-
 »to, præsertim mortali, obligat. V. Filiuc. t. 27.
 »p. 2. cap. 3. Bon. num. 2. Tum quia Ecclesia nou-
 »tám graviter ad hoc obligat; ut patet, tum ex
 »verbis ipsis, tum ex facilitiore dispensatione in
 »his, quam in carnibus. Ob quam causam et-
 »iam laridi & adipis usum facilius concedi posse
 »pauperibus, docet Laym. n. 5. Imò ait, nec di-
 »vitatem propter eum usum, continuò damnan-
 »dum esse peccati mortalis, præsertim cum Sylv.
 »V. Jejunium, & alii dicant, eum, cui ovorum &
 »lacticiniorum usus permisus est, etiam laridi
 »& sagiminis permisum videri; idque non im-
 »probet Azor to. 1. l. 7. c. 10. q. ult. V. Lay. hic, Fa-
 »gund. n. 20. ubi dicit, pinguedinem inter carnes
 »non computari. V. Dian. p. 1. t. 9. R. 21. Ve-
 »rūm in his videndum ubique, quid recepta pio-
 »rum consuetudo ferat, à qua non temerè rece-
 »endum.

» Dixi, si sit in Quadragesima; quia extra eam
 »licitè vescitur ovis, qui debet jejunare, v. g. ob
 »Jubilæum, Henr. &c. vel ex poenitentia sacra-
 »mentalí, Fagund. vel ex voto, aut in Vigilia. Vid.
 »Dian. R. 5. & 6.

A D D E N D A.

1260 Q. 236. Unde & quanta sit obligatio jejunandi
 »vel abstinendi à carnibus. R. §. 1. Obligatio quan-
 »doque jejunandi aut abstinendi est saltem ex
 »con-

consuetudine , uti de jejunio quibusdam diebus , & de abstinentia diebus Veneris ac Sabbati , habet communis sensus omnium fidelium : de abstinentia autem ab ovis & lacticiniis in quadragesima constat ex prop. 32. ab Alex. VII. damnata , Non est evidens , quod consuetudo non comedendi ova & lacticinia in quadragesima obliget . Quoad quatuor tempora , sic habetur in lectio ne Breviarii 14. Oct. festo S. Callisti , Constituit quatuor anni tempora , quibus jejunium ex Apostolica traditione acceptum ab omnibus servaretur .

§. 2. Datur de jejunio & abstinentia præceptum , etiam in Jure scripto , ita S. Th. & alii commuissimè cum Moya t. 1. t. 6. d. 5. q. 2. n. 5. contra Cajet. , Et licet aliqui id male probent ex Synodo VI. , uti ex Bellarm. ostendit Gob. in Quin. t. 5. c. 23. n. 221. , tamen clare habetur Cap. Non licet Cap. Non oportet De Consecr. dist. 3. , Cap. Quadragesima , Cap. Jejunia . De Consecr. dist. 5. Cap. Denique dist. 4. , ubi præcipitur obser- vatio jejuniorum , itemque in quadragesima ab- stinentia , non tantum à carnibus , sed etiam ab ovis & lacticiniis . Quod autem attinet ad has par- tes septentrionales , saltem per consuetudinem absolutè licita sunt lacticinia , uti & ova per qua- dragesimam in Diœcesi Coloniensi , Monasteri- ensi aliisque vicinis . Paderborn. omnes. Hildes. non in Belgio .

§. 3. Præceptum jejunii ex se obligat gravi- ter , nam Alex. VII. damnavit hanc 23. prop. , Frangens jejunium Ecclesiae , ad quod tenetur , non pec- cat mortaliter , nisi ex contemptu vel inobedientia hoc fiat , puta , quia non vult se subjicere præcepto : & hanc gravem obligationem pluribus probat Du Bois ad hanc prop. damnatam à n. 492.

Ecc 2

§. 4.

1263

§. 4. Quod dies Rogationum attinet, quamvis Laym. l. 4. t. 8. c. 2. n. 8. dicat abstinentiam à carnis bus adhuc hodie in pluribus locis non observari ex præcepto sed consilio; Azor autem l. 7. c. 15. q. 4. dicat non esse quidem præceptum, posse autem esse consuetudinem, tamen in Conc. Aurelianensi I. Can. 27. expressè habetur, ut triduo ante Ascensionem omnes abstineant, & quadragesimalibus cibis utantur; quod etiam refertur Cap. Rogationes. De Consecr. dist. 3.; & quamvis non esset præceptum scriptum, rectè tamen dicit Steph. t. 1. d. 5. n. 99. aliquique cum illo, absolute esse mortale tum comedere carnes, saltem ob consuetudinem nunc introductam: & idem est de festo S. Marci. de quo vide dicenda l. 4. n. 1291.

1264

Q. 237. An ille, qui semel fregit jejunium, possit eadem die saepius comedere. R. §. 1. Si fregit esu carnium, toties peccat, quoties iterum comedit carnes, uti habet communis cum Gob. suprà c. 4. à n. 19; & dictum est hic p. 1. n. 438., quia præceptum, quoad hanc partem, est negativum, prohibens pro toto die, id est, ad nullo tempore istius diei comedendum; & hoc non ratione jejunii præcisè, nam carnes sæpe prohibentur, quamvis non sit jejunium, sed ratione ipsarum carnium, à quibus abstinere multum facit ad mortificandam carnem. Quod autem tum etiam non possit sumi secunda refectione, constabit ex dicendis n. 1269.

1265

§. 2. Si tantum fregit secundâ refectione, Busenb. relatus n. 1259. item Castrop. t. 25. p. 2. §. 2. n. 8. Steph. n. 110. & alii quatuordecim cum Dian. p. 1. t. 9. R. 44., itemq; alii cum Fagund. præcep. 4. l. 1. c. 4. n. 8. dicunt non peccare mortali- ter comedendo cibos esuriales, quoties volet;

quod

quod etiam dicunt Bonac. Laym. n. 13. Caſtrop. n. 9., si fecerit inadvertenter vel neſciens eſſe jejunium: imò putant Vivald. Dian. R. 53. Fls. t. 4. d. 1. n. 43. in ſequentibus confectionibus nequidem venialiter peccare, & idem cum aliis dicit Tamb. in Dec. l. 4. c. 5. §. 1. n. 5., si inadvertenter comediffet carnes: Rationem dant, quia tum amplius ſervari non potest jejunium, de cuius eſſentia eſt negatio ſecundæ refectionis & carnium: ſed tenendum eſt cum communissima ſententia peccari ſaltem venialiter, quia eſt contra finem legis, qui eſt mortificatio carnis: non eſſe autem plū quam veniale docet cum aliis probabiliter Leſſ l. 4. c. 2. n. 17., quia cum homines non ſoleant niſi biſ comedere, quod comedat ſæpius, non videtur multum facere ad finem legis; nihilominus Maj. Med. Montes. Covarr. Molan. Sylv. Loih & alii multi valde probabiliter dicunt peccari mortaliter, quoties iterum ſumitur plena refectione, quia notabilis mortificatio carnis, quæ eſt finis legis, adhuc obtineri poterat per negationem aliarum refectionum, nam ſi quis manè & in prandio ſe plenè refecerit, adhuc notabilis mortificatio eſt abſtinere vefperi, uti fuifet notabilis mortificatio abſtinere manè.

Q. 238. Quid veniat nomine carnium, & quia- 1266
nam teneantur præcepto ab illis abſtinendi. R.

§. 1. Indicium animalis carnei eſt, ſi poſſit diu vivere extra aquam; item ſi magis simile ſit animalibus habentibus carnem quam non habentibus: teſtudines tamen terræ & limaces, quamvis extra aquam vivant, non cenzentur caro, ita Regin. Tamb. n. 10. Gob. in Quin. t. 5. c. 23. n. 122. Idem dicit Tamb. n. 12. de Viperis.,

Ecc 3

Paq.

Pasq. autem cum *Gob.* dicit in dubio, an hoc animal constet carne necne, censi posse non constare carne, quia est possessio pro libertate comedendi, quamdiu non constat esse prohibitum.

1267 §. 2. Licitè ministrantur carnes parvulis ante aut etiam post septennium, si careant usu rationis, uti habet communis cum *Dian.* *Delbene* de Imm. Eccl. c. 13. dub. 1. & 4. *Tambur.* n. 9. *Steph.* n. 98. contra alios relatos l. 1. n. 674. Nec obstat consuetudo contraria non dandi illis, nam si non teneantur ipsâ lege, multò minùs consuetudine: idem de perpetuò amentibus docent *Sanch. Fagund.* *Delben.* *Dian.* suprà & p. 10. t. 12. R. 37. item p. 11. t. 2. R. 56. contra *f.* *Sanch.* Ratio est, quia parvuli & amentes non sunt capaces præcepti humani, cùm nullam humanā actionem exercere possint; quod magis valet de infidelibus, cùm non sint subjecti Ecclesiæ: idem dicit *Tambu.* de amentibus in aliqua materia vel quoad intervalla, quando sunt in amentia, sed contrà est, quia fatetur cum *Sanch.* dari non debere ebriis, idem autem est de his amentibus, & ratio quoad utrosque est, quia cùm simpliciter habeant usum rationis, comprehenduntur lege. Vide dicta l. 1. n. 676.

An Carthusiani aliquando possint aut teneantur vesci carnibus, videri possunt *Busenb.* relatus hic p. 1. n. 769. & *Sanch.* in Consil. l. 5. c. 1. dub. 34. Additum que rectè *Boudew.* p. 2. q. 18., licet etiam in extrema necessitate constituti tenerentur abstinere à carnibus, posse nihilominus pro medicina sumere cornu cervi, ossa humana, ūgulas *Alcis* &c.

1268 Q. 239. An licitum sit, v. g. *Ambstelodami*, diebus Veneris comedere carnes. *R.* *Caram.* in Th. fund. affirmat, tum quia videtur esse præscriptio, quæ per

10. annos prævalet contra legem ecclesiasticam, uti multi probabiliter docent; tum etiam quia major pars illius communitatis legem istam non observat, pars autem minor potest se accommodeare majori. Oppositum est absolutè tenendum, quia illa consuetudo est irrationabilis, ergo non præscribit, nec abrogat legem Ecclesiæ; deinde consuetudini illi semper reclamat Ecclesia, consuetudo autem non habet vim abrogandi legem, nisi accedente saltem tacito consensu Legislatoris, uti dictum est I. i. n. 571. Denique leges Ecclesiæ etiam non indigent acceptatione populi, uti dictum est ibidem à n. 630.

Q. 240. An ille, cui in die jejunii est permisus eesus 1269 carnium vel secunda refectio, hoc ipso etiam permittantur plures refectiones. R. §. 1. Licet alicui permittatur eesus carnium, non ideo permittitur secunda refectio, ita cum aliis Th. Hurt. de Refid. tom. 1. Resol. 5. à pag. 295. contra Jlls. t. 4. d. 1. n. 44. Busen. & alios, Ratio est, quia licet jejunium perfectum includat tam abstinentiam à carnibus quam refectionem unicam, tamen hoc præceptum est divisibile, id est, præcipit unam partem independenter ab altera, hinc duæ illæ partes sunt divisibles, potestque obligatio ad unam manere sine obligatione ad alteram, præsertim cum una refectio sit magis essentialis jejunio, quam abstinentia à carnibus, uti probat Hurt. pag. 292.; Et hoc ipsum communiter declarant Episcopi dispensantes pro carnibus in Quadragesima, dum addunt se non aliter velle dispensare, quam relinquendo obligationem jejunii quoad refactionem unicam, hinc etiam aliquibus per Bullam Cruciatæ datur privilegium jejunandi in carni-
bus,

bus, uti fatetur *Sanch. dub. 31.* *Dixi*, non ideo permitti, quia posset aliunde secunda aut etiam multiplex refectio esse permissa, v. g. propter nimium debilitatis vel infirmas vires.

1270 §. 2. Si alicui permissa sit secunda refectio, putant *Fagund. Bonac.* & alii posse toties comedere, quoties vult, sed *Covarr.* & alii n. 1265. citati probabilius negant, quia fieri potest, ut uni secunda refectio sit tali die necessaria & non ulterior, potestque adhuc obtineri finis jejunii, qui est mortificatio carnis, secundam dicta ibidem n. 1265.

1271 Q. 241. *Quid illi sit faciendum*, qui venit ex una in alteram Diocesin, ubi non servatur idem stylus Calendarii. R. §. 1. Cum vetus Calendarium quandoque habeat Pascha v. g. octo diebus seriis quam novum, qui in Quadragesima inde veniret huc, ibi incepisset Quadragesimam octo diebus seriis, & hic haberet Pascha octo diebus maturius; hoc non obstante multorum sententia est cum Delbene de Imm. Eccles. c. 12. d. 2. f. 4. non teneri illo anno hic jejunare per illos octo adhuc dies, sed posse se accommodare moribus eorum, apud quos est; communicare tamen deberet pro Paschate, licet post tempus paschale hic transactum veniret, quia haec obligatio afficit personam, ut tempore isto communicet vel primo quoque. E contraria si hic prius absolvisset Quadragesimam, non teneretur postea ibi observare illos octo dies, quia Ecclesia tantum obligat ad unam Quadragesimam uno anno; & idem est observandum de diebus festivis, ita *Sanch. in Dec. l. 1. c. 12. n. 22.* *Delbene* supradicta & sect. 5. item alii cum *Busenb.* relato l. 1. n. 687.

1272 §. 2. Si hodie sit hic dies Cinerum, & Titius post

post 8. dies velit aliò proficisci , ubi tum priùs erit dies Cinerum , tenetur hìc jejunare , quia lex nunc hìc obligat , & ipse est hìc subditus , ergo tenetur lege . Si dicas , deo obligari pro nunc , quia postea observabit , sicuti quia serò audiam Missam , non obligor audire manè . Contrà est , nam non obligor determinatè manè vel determinatè serò audire Missam , sed hoc per Ecclesiam relictum est meæ libertati : E contrà ostendi non potest , cur & unde mihi libertas esset jejunandi , ubi vellem , & me hìc eximendi à lege nunc obligante . Si tamen jejunaverim hìc per 8. illos dies , non tenebor ibi prosequi nisi alios 32. , quorum ultimus respondeat nostro Paschiati , quia tum absolveto Quadragesimam .

Q. 242. Quid notandum fit circa vigiliam S. Matthiæ vel S. Joannis : item circa abstinétiā festo S. Marci . *R.* Justa causa est , cur Episcopus dispenset ad vitanda scandala & peccata populi , si vigilia S. Matthiæ incidat in unum diem è Bacchanalibus , ita Laym . l . 4 t . 8 . c . 3 . n . 8 . Castrop . t . 25 . p . 2 . § . 5 . n . 12 . Gob . & alii : Nec dissentit Dian . p . 3 . t . 6 . R . 66 . , quamvis p . 10 . t . 16 . R . 7 . afferat Gav . & Leand . in contrarium . Si autem festum S. Matthiæ incidat in diem Cinerum , statutum est in Diœcesi Coloniensi , Monasteriensi , Viennensi aliisque , auctoritate Ordinarii , ut jejunium etiam à Religiosis anticipetur in priore Sabbatho , (: & idem est , si festum incidat in diem Martis :) festum autem in foro observetur in die Cinerum , & in choro postridie : Vigilia autem S. Matthiæ manet affixa suæ diei , quia non est causa hanc transferendi , & ab ea separari potest jejunium . *Gav.* in Rub . brev . f . 3 . c . 7 . n . 3 . Quòd si festum S. Matthiæ incidat in diem Veneris ante quinquagesimam , Agenda

Eee 5

Mona-

Monasteriensis sub Ernesto edita anno 1592. statuebat, ut jejunium servaretur ipso festo S. Matthiae, scilicet die Veneris, sed usus iste exolevit, & alia editiones Agendæ id non habent, hinc anno 1702., quando casus iste erat, observatum est ab omnibus jejunium die Jovis, secundum morem universalis Ecclesiæ. Quod dictum est de jejunio transferendo, si vigilia incidat in unum diem à Bacchanalibus, admittunt alii cum Gav., etiam si incidat in diem v.g Patroni vel omnino solennem. Per Bullam Urb. VIII datam 13. Oct. 1638. statuitur, ut si festum Corporis Christi incidat in Vigiliam S. Joan. Baptistæ, jejunium sit pridie festi Corporis Christi: & eo anno nihil sit de Vigilia, ita Mothier in Ordine Div. Off. pro anno 1707. Idem statuit Leo X., teste Nar. in Man. c. 21. n. 11. De abstinentia festo S. Marci, videri debent dicenda l. 4. n. 1291.

Q. 243. Ad quæ jejunia teneantur Religiosi. **R.**
1274 §. 1. Tenentur ad ecclesiastica juris communis, uti per se patet; non tenentur autem ad ea, quæ sunt speciali consuetudine vel voto oppidanorum, apud quos resident, inducta, quia non consentur pars Communitatis profanæ, ita Dian. p. 9.t.7.R.14., qui tamen p.1.t.9.R.36. dixerat obligari generali consuetudine recepta in aliqua civitate. Neque Religiosi Exempti tenentur ad illa, quæ à locorum Ordinariis inducuntur, quamvis jure novo teneantur observare festa Diocesana & cessationem à divinis tempore interdicti, ita Sanch. in Conf. l. 5. c. 1. dub. 1. & c. 9. dub. 1. Bonac. de præcept. Eccles. d. ult. q. 1. p. 6. n. 5. Castrop. de Legibus d. 1. p. 24. §. 6. n. 11. aliisque communiter cum Dian. p. 1. t. 9. R. 36. & p. 10. t. 11. R. 36. contra Villal. & alios.

§. 2.

§. 2. Si Religiosus necdum expleverit annum 1275
 21., Saa, Fagund. uterque Sanch. & alii dicunt teneri ad jejunia sui Ordinis, tum quia videtur per votum renunciasse privilegio ætatis, tum etiam quia obligatio Religionis & regulæ est alia ab obligatione temperantiæ, quam intendit lex Ecclesiæ: Sed Med. Graff. Ascanius Tambur. & alii dicunt non teneri, quia præsumi potest regulam non obligare eum sub mortali, quem non obligat Ecclesia; & utramque sententiam dicit probabilem & tutam Thomas Tambur. in Dec. I. 4. c. 5. §. 7. n. 6. & n. 8.; addit idem videri esse de sexagenariis Religiosis, posito enim quod non teneantur jejuniis Ecclesiæ, de quo dicetur à n. 1317. probabile est, quod lex Religionis proportionetur cum lege Ecclesiæ.

Q. 244. An parentes teneantur filios, vel dominus 1276
 servos cogere ad jejunandum. Bz. Vega, Fill. Rodriq.
 Homob. Azor, Nav. Dian. p. 1. t. 9. R. 28. Steph.
 t. 1. d. 5. n. 138. & alii dicunt teneri monere, si
 jejunare teneantur & non jejunent, attamen non
 teneri cogere, quia hoc videtur nimis durum:
 Tambur. §. 6. n. 3. putat satis esse, si moneant &
 objurgent, præsertim cum nullam in eos spiritualem
 jurisdictionem habeant: Sanch. dub. 17.,
 quamvis hoc admittat de dominis, tamen merito
 dicit aliquando etiam famulis negandam
 cœnam, si probabiliter putent id profuturum:
 quod autem filios attinet, rectè dicit, parentes
 teneri cogere filios, semper negando eis cœnam,
 quia tenentur corrigere & adigere ad observationem
 præceptorum.

Q. 245. Quid notandum sit circa horam refectionis in jejunio. 1277
 Bz. Seqq. §. 1. Primitus erat hora 3,
 post

post meridiem aut sub vesperum, & ideo vocabatur cœna; nunc autem censetur 12. circiter: notat tamen *Sanch. dub. 28.* ex communi consuetudine esse medium 12., imò jam esse horam 11. dicunt *Sanch. Med. Angles* aliique; quòd valet maximè de Religiosis, qui per privilegium etiam sine causa possunt unâ horâ anticipare, *Steph. n. 121. Tambur. c. 4. §. 4. n. 3.*

1278 §. 2. Videlur probabilius cum *Fls. t. 4. d. 1. n. 39.*, quòd anticipare collationem vespertinam notabili tempore & absque causa non sit mortale, quia etiam per hoc non tollitur substantia jejunii, quæ consistit in abstinentia à carnibus & refectione unica: unde si quis sine causa manè sumeret collationem & meridie prandium, aut manè vel meridie collationem & circa horam tertiam prandium, vespere autem nihil, tantùm leviter peccaturum dicit cum aliis *Tambur. n. 12. & 13.* Addunt *f. Sanch. d. 53. n. 2. Tambur. §. 3. n. 10.* aliique apud *Sanch. dub. 27.* nullum esse peccatum, si in meridie sine causa fiat coitatio & vespere prandium, quia est magis ad finem legis, cùm sit major mortificatio, & *Sanch.* dicit esse verè probabile, sed *Diana p. 11. t. 3. R. 9. & Castrrop. §. 3. n. 6.* dicunt esse veniale, quia est alienum ab usu Ecclesiæ, quamvis fateantur inter causas justas esse venationem aut pescationem, etiam recreationis causâ, item faciliorem expeditionem negotiorum, tractationem hospitum &c.

1279 Q. 246. *Quomodo licitum sit interrumpere prandium die jejunii. R. §. 1.* Si quis interrumpat ob negotium, *Pasq. decis. 121.* putat eum posse complere prandium absolute negotio, quamvis hoc

hoc duraret usque ad vesperum , quia cùm illa interruptio sit involuntaria, prandium, ad quod jus habet , manebit compleibile per sequentem comeditionem : contradicit Tamb. in Dec. I. 4. c.4. §. 2. n. 18., non enim apparet, quomodo id , quod vesperi comedit, possit cum cibo jam digesto facere unam comeditionem , hinc Diana & Lezana dicunt non debere intercedere plus , quàm unam vel duas horas , nam duas etiam admittit Sanch. , quamvis Escob. putet id esse nimiùm , ideoque cùm Tambur. tantùm unam concedat : nihilominus Leander & Steph. t. 1.d.5. n. 113. probabiliter sic distinguunt, si interrum pat ultra duas horas, & priùs sumpserit , quantùm satis est ad jejunium sine magno incommodo tolerandum , non poterit redire ; si autem priùs non sumpserit tam multùm , dicunt cum Pasq. , quantumcunque sit serò , posse redire , dummodo retinuerit intentionem redeundi , quæ uniat illas duas comeditiones in unum prandium.

§. 2. Quando est tempus prandij, potest ministrans vel legens ad mensam sumere cibum, etiam in magna quantitate, per horam circiter ante prandium suum , & postea hoc complere expleto suo servitio , Sanch. Leand. Tamb. n. 17. & alii cum Dian. p. 10. t. 14. R. 61. Ratio est , quia habet jus tum incipiendi prandium cum aliis, occurrente autem negotio, quale est tale servitium, licetè interrumpit.

§. 3. Si quis finierit prandium & plicarit map. 1281 pulam cum proposito nil amplius comedendi , item si surrexit à mensa etiam gratiis actis , potest intra quadrantem , uti docent Fill. & alii apud

apud Dian. p. 1. t. 9. R. 32., aut intra quadratum & medium, uti habet Tamb., mutata voluntate iterum assidere & comedere, quia moraliter censebitur una comestio; & ita etiam docet cum aliis Sanch. in consl. I. 5. c. 1. dub. 24. Hinc absoluunt tenent Less. I. 4. c. 2. n. 11. & alii contra Nav. Val. Castrop. t. 30. D. 3. p. 2. §. 2. n. 2. si quis sufficienter refectus surrexit animo non revertendi, posse post interpositum temporis intervallum mutata intentione redire & continuare prandium; cuius tempus adhuc durat; & hoc fatetur probabile Laym. I. 4. t. 8. c. 1. n. 6. licet contrarium teneat.

1282 §. 4. Si prandium differre debeas ultra horam communem, potes aliquid cibi sumere, ne vires deficiant aut stomachus dolore prematur, quia talis cibi sumptio censeretur medicina, uti ex benigna interpretatione Ecclesiæ censem Nav. Tol. Az. Saa. Val. Less. Laym. cum Castrop. p. 2. n. 3.

1283 Q. 247. Quamdiu liceat protrahere prandium. Rz. Saltem ad duas horas, nec ultrà, uti volunt Fagund. & Tambur. in Dec. I. 4. c. 4. §. 2. n. 15., si enim liceret protrahere usque ad vesperum, etiam liceret sumere secundam refectionem post prandium, idem enim est, in ordine ad nutriendum corpus, intra tantum tempus incipere novam aut continuare eandem refectionem, quæ re ipsa erit moraliter multiplex. Nec refert, quod non semper edatur, sed fiat confabulatio, nam interea concoquit stomachus cibos ingestos, qui sufficiebant pro integro prandio: & licet Pasq. cum Gob: in Quin: t: 5: c: 26: n: 8. excusent Germanos præcipue ex consuetudine protrahendi etiam ad 4: & 5: horas, attamen nescio, an ista confuse-

consuetudo approbetur: hoc tolerandum esset, si post duas circiter horas apponenterunt sola bellaria vel leviores cibi, maximè si postea vesperi abstineretur à collatione, quæ sic censebitur quasi anticipari.

Q. 248. Quid faciendum sit illi, qui die jejunii 1284 manè vel post prandium comedit. R: §: 1. Si manè sumpfit jentaculum non æquivalens plenæ refectioni, potest moderatè prandere, quia non amisit jus ad unam plenam refectionem, *Lef: Laym: c. 2: n: 14.*; si autem non sumpfit nequidem æquivalens collationi vespertinæ, potest prandere & vesperi sumere collationem, *Diana p. 10. t. 14.*
R. 61. Tamb: §. 3. n. 14., quod concedit *Tierr.*, licet malâ fide sumpfisset: Si tamen sumpserit æquivalens collationi vespertinæ, poterit sumere prandium in meridie vel vesperi, si autem summat in meridie, *Diana & Tambur:* dicunt non posse sumere collationem vesperi, quia hanc sumpfit manè; si tamen esset graviter incommode vespri pati inediam, permittit eam etiam vespri *Tambur.*

§: 2. Si per inadvertentiam manè sumpfit 1285 jentaculum sufficiens ad prandium, secundum *Fagund: & alios apud Laym: & Castrop: n: 10.* adhuc potest prandere, quia cùm sit factum ex ignorantia jejunii, non computatur pro prandio, ergo manet jus ad illud: sed probabilius est cum *Dian: Laym: Castrop: & aliis* non posse prandere, quia habuit unam plenam refectionem, & æquè nutritus est, siue sciens siue nesciens ita jentarit, poterit itaque vesperi tantum sumere collationem.

§: 3: Si ex malitia vel iter facturus manè pran- 1286 dit,

dit , postea autem iter non agat , aliqui cum 7.
Sanch. d. 53. n. 2. & 6. putant posse iterum in
meridie prandere, quia hora prandii est essentia-
lis vel saltem circumstantia intrinseca jejunio ,
ergo hac violatâ servari non potest jejunium ;
sed oppositum absolutè tenendum est cum *Sanch.*
in Conf. I. 5. c. 1. dub. 28. n. 8. *Castrop.* §. 3. n. 5.
& aliis , quia adhuc servari potest substantia je-
junii , circumstantia autem illa præcipitur divisi-
biliter.

1287 §. 4. Si quis post prandium sumpserit aliquid
cibi , tantò minus sumere debet in collatione : si
tamen ferme ad tempus collationis sumpsisset ,
quantum pro collatione permittitur, deberet ab
hac omnino abstinere , quia prior comedio cen-
seretur fuisse collatio.

1288 Q. 249. *An satisfaciat legi, qui pridie vel in pran-*
dio ita replet ventrem , ut non sentiat difficultatem in
die jejunii. R. Negant aliqui , quia agit contra fi-
nem legis , qui est maceratio corporis : sed *Bon-*
ac. de præcept. Eccles. d. ult. q. 1. p. 2. n. 7. cum
aliis multis probabilius affirmat , quia quamvis
peccet contra temperantiam , tamen ponit ob-
jectum à lege præceptum , licet non attingat fi-
nem illius , quod non requiritur , quia finis præ-
cepti non cadit sub præceptum, alioquin qui per
pisces plus nutririatur quam per carnes, non pos-
set comedendo pisces satisfacere præcepto jeju-
nii , quod nemo dicet.

1289 Q. 250. *Quid circa potum & res liquidas sit ad-*
dendum. R. Seqq. §. 1. Ad verum potum non
est satis, quod sit aliquid liquidum, alioquin lac &
juscum essent potus, sed requiritur, ut ex natura
sua tantum adjuvet ad alterandum corpus vel ad
vehen-

vehendum & concoquendum alimentum, non autem nutriat solidas corporis partes; & ita vi-num, mustum, cerevisia, vinum adustum alii-que liquores ex herbis distillati, sunt merus potus.

§: 2: S: Antonin: Alens: Richard: Rosel: Sylv: & 1290
 alii dicunt vino frangi jejunium, præsentim si
 manè bibatur, aut intendatur nutritio, & fiat in
 fraudem jejunii: sed absolutè negant S: Th: 2: 2:
 q: 147: a: 6: ad 2. aliique communissimè cum
Sanch: dub: 23: Laym: l: 4: t: 8: c: 1: n: 7., quam-
 vis etiam fiat ad sedandam famem, *Castrop:* p: 2:
 §. 2. n. 4.; imò licet fiat in fraudem jejunii, inquit
Tambur: §. 2: n: 4., quia Ecclesia tantùm prohibet
 hoc, quod de se est alimentum & tendit ad nu-
 triendum corpus, neque intentio sumentis mu-
 tat rationem potūs, qui de se est tantùm ad sitim
 sedandam & refrigerandū sanguinem, quam-
 vis etiam juvet ad vehendos & concoquendos
 cibos.

§. 3. De chocolata docent Th: Hurt: Lop: & 1291
 alii non frangere jejunium; Idem tenet Henrīq:
 v. *jejunium*, referens *Urbanum VIII.* oblatis in-
 gredientiis & in ejus conspectu confecto cho-
 ciate, de illo gustato dixisse, esse & manere po-
 tum: Idem responsum esse à Greg: XIII., Pio V,
 Paulo V, testantur plures DD., inquit *Ills:* t: 4: d:
 1: n: 39: Idem defendit *Cardin. Brancatius* in dis-
 sertat. de chocolate: Et hanc sententiam Dian:
 p: 11: t: 6: R: 54, & *Tambur:* n: 7. dicunt esse abso-
 lutè probabilem. E contrà frangere jejunium
 docent plurimi alii cum *Lez.* & *Castrop:* suprà,
 probantque fusè *Tamb:* suprà & *Boudew:* p: 2. q: 17,
 consideratis ingredientiis & vi nutritivâ illius:

Tom. III.

FFF

nih-

nihilominus putant Leand: & Dian., si non misceatur multum illius materiae sed bibatur tenuer, non frangere jejunium, secus si multum misceatur, & coquatur instar densae pultis; addunt saltem nunquam graviter frangere, nisi misceatur ultra duas uncias.

1292 §.4. De lymoniade & hypocras docent Leand: Murc: & Steph: t: 1: d: 5: n: 91. non frangere jejunium, quia communiter non multum miscetur materiae comedibilis; & idem videtur esse de faba Kaffe: minimè autem frangit decoctum ex herba The, quod potissimum est ad recreandos spiritus vel mitigandum sanguinem.

1293 Q: 251: Quid circa ea, quæ ad haustum sumuntur; item circa electuaria, tabacum & fructus. R: §. 1. Communiter tenent omnes cum Diana p: 10: t: 14: R: 59. ratione potus, ne noceat, non licere plus panis vel cibi sumere, quam medium unciam, quia hæc quantitas commixta potui sufficit ad impediendum nocumentum. Rectè monet Steph: n: 112. his verbis, puto de facto, sub colore, ne potus noceat, sèpius à variis aliquam sumi, tantum ideo, ut potus magis sapiat, quod profectò non licet.

1294 §: 2: S: Th: Laym: & Steph: n: 92. dicunt licere electuaria, confecta seu conserva, ut vocant, cum accipientur, non ut alimenta nec in fraudem legis, sed ut medicamenta aut præservativa, nisi acciperentur in magna quantitate: sed contradicunt Fagund: & Diana, R: 60., quia videntur habere rationem cibi, nec licere possunt nisi actu male affectis pro medicina, vel de propinquuo alioqui infirmandis ad præservativam.

§: 3:

§. 3. De tabaco docent omnes , quod non 1295
frangat jejunium, quia non reficit solidas corpo-
ris partes sed tantum spiritus.

§: 4: Docent *Vivald*: & *Pasq*: posse ad sedan- 1296
dam fitim comediri recentem uvam , pomum, ly-
monium, succum citrini , quia non sumuntur ut
cibus sed velut potus , maximè cum in ore prius
ferme resolvantur quam deglutiantur.

Q: 252: Quid circa collationem vespertinam sit 1297
addendum. *R*: Hoc præcipue advertendum est ,
quod cum collatio ista sit per consuetudinem in-
troducta , in ea non liceat aliud circa quantita-
tem, qualitatem & tempus, quam habeat consue-
tudo hominum timoratorum in unaquaque pa-
tria , ita cum aliis *Castrop*: t: 30: d: 3: p: 2: §: 2: n: 5.
Auctores tamen etiam notant sequentia ,

§: 1: Licta est talis collatio, quamvis fiat ad 1298
sedandam famem, vel sine ulla necessitate, *Sanch*:
in Cons: l: 5: c: 1: dub: 25: n: 2: *Castrop*: suprà.

§: 2: Quod attinet ad quantitatem, sententiæ 1299
variant, *Lez*: *Steph*: & alii dicunt non licere nisi
4: uncias : (12. unciae sunt libra seu unum pondo
apud Veteres , 16 verò apud nos , *Leff*: de vera
ratione valetudinis conservandæ n: 14: in fine)
Suar. & alii 12. Auctores cum *Dian*. p: 1: t: 9: R: 1,
concedunt 6: imò & 8: uncias; sed alii dicunt illis
tantum licere 8:, qui valde magno cibo indi-
gent ; hanc tamen restrictionem non admittunt
Azor, *Fagund*. *Villal*. *Bonac*. *J. Sanch*: *Castrop*: n: 7,
Tamb: in Decal: l: 4: c: 5: §: 3: n: 1, *Sporer*: in Th:
mor: t: 1: c: 5: n: 30., sed absolute tenent cum
primis , ac dicunt posse saltem ex consuetudine
ab unoquoque , sive multum sive parum come-
dente , sumi octo uncias , etiam si fames per illas

Fff 2 planè

planè extingueretur : videtur tamen probabiliùs dici, quòd quantitas restringi debeat ad quartam circiter vel quintam partem prandii , uti habet Busenb. Addunt Laym: Regin: Castrop: Fls: t: 4:d: 1: n: 42 . plus permitti illis, qui continuò dediti sunt studiis aliisque negotiis fatigantibus caput , quia spiritus in eis magis deficiunt Similiter Azor t: 1: l: 7:c: 8: in fine, Bonac: de præc: Eccl: d: ult: q: 1: p: 3:n: 2: f: Sanch: d: 5 z: n: 9: Laym: l: 4: t: 8: c: 1: n: 9: Fagund: in præc: Eccl: 4: c: 4: n: 21. Regin: l: 4: d: 10: n: 185: Steph: t: 1: d: 5: n: 117: Sporer in mor: t: 3: p: 3: append: ad 3: præc: f: 2: aff: 3: §: 2:n: 26: Taber: p: 2:t: 1: c: 4: q: 7. aliique multi apud Vind: Tab: ad prop: 5: in collect. permittunt plus nobilis , quia solent esse debilioris valetudinis & assueti magis substantioso cibo ; sed bene limitant , si talis sit loci & timoratorum nobilium consuetudo.

1300 §: 3: Si quis ad duas uncias tantum excedat quantitatatem in collatione permisam , non peccat mortaliter, nam duæ unciae non sunt materia gravis, Vidald: Leand: Tamb: aliique cum Dian: p: 10:t: 14:R: 57. Addit Sporer tertiam partem collationis adhuc esse materiam levem , adeoque si extra tempus non sumatur usque ad dimidium collationis, non fore mortale, quia talis quantitas videtur parva, & in se & in ordine tam ad totum diem , quam ad finem jejunii: non peccari autem mortaliter mutando tempus collationis illius vespertinæ , dictum est n: 1278.

1301 §: 4: Uterque Sanch: Az: Diana p: 1: t: 9: R: 35: Tamb: n: 8. dicunt in vigilia Nativitatis Christi , etiam si incidat in Sabbatum 4: temporum, posse accipi collationem duplo majorem , imò Sanch: dicit

dicit ex fructibus & conservis posse accipi ad satietatem ; quod *Vidald.* extendit ad vigilias Paschæ & Pentecostes , quia sunt vigiliæ lætitiae , sed attendenda est consuetudo locorum , hinc *Tamb:* n. 7: & *Mendo* d: 8: n: 10. negant licere , quia nempe in suis patriis necdum erat ista consuetudo , uti nec est in his.

§: 5: *Az: Bonac: Pasq: Vidald.*, uterque *Mar-* 1302
chant, Wiggers, Sporer, Burgh: cent: 1: cas: 74. dicunt vesperi spectandam esse tantum quantitatem non autem qualitatem , hinc sumi posse 4. partem offæ , piscis & similium , quæ quis in prandio solet comedere ; nec dissentit *Tamb: n: 3.* dicens non constare de obligatione in contrarium : sed contradicunt AA plures quam 30: cum *Dian: R: 1., & pluribus p: 10: t: 14: R: 58.* Item *Lez: & alii cum Steph: n: 115.*, nisi alicubi prævaluerit consuetudo , quam standum est.

§. 6. *Castrop: n: 4: & 6: Fill: t: 27: p: 2: c: 2: n: 1303*
 11. negant licitum esse pro collatione permiscere panem & vinum aliūmve liquorem , & inde coquere velut offam , quia iste liquor non retineret rationem potūs , sed propter coctionem ex illo & materia solida fieret unus cibus solidus excedens consuetam quantitatem collationis ; & hæc sententia est probabilior , quamvis *Az. Boff. & alii cum Diana p. 1. t. 9. R. 34, & p. 10. t. 14. R. 58.* putent adhuc licere , cum non augeatur substantia , sed tantum temperetur qualitas in ordine ad faciliorem concoctionem ; sicque miscebit saltem stomachus & concoquet ad similem nutritionem , quod *Laym. 1. 4. t. 8. c. 2. n. 9.* fatetur probabile , attamen non approbat , quia videtur esse contra consuetudinem ;

si tamen adsit causa, uti stomachi infirmitas, dicit nullum fore peccatum: Addit piscem infumatum sumi posse; item lactucam elixatam, ut cruditas tollatur: admittunt etiam ova *Vidald.* & *Pasq.*, quando licitum est hæc comedere, sed iterum contradicunt *Tamb.* suprà & *Diana R.* 57., debetque etiam in hoc attendi ad consuetudinem locorum.

1304 *Q:* 253: Quid præterea notandum sit circa parvitatem materiæ in carnibus. *R.* §. 1. Eam dari, præter citatos à *Busenb.*, docent *Merol.* *Hurt.* *Pasq.* *Trull.* *Gob.* in *Quin:* t: 5: c: 23: n: 233. *Diana p.* 5. t. 5: R: 32., qui p: 10: t: 14: R: 32. vocat hanc sententiam communem. Ratio est, quia prohibentur carnes prout sunt nutritivæ seu reflectivæ virium, sed parùm carnis parùm nutrit, ergo etiam parùm, sive sub parvo peccato prohibetur. Nec obstat, quod hoc præceptum sit negativum, nam etiam præceptum non furandi est negativum, & tamen in eo datur parvitas materiæ.

1305 §. 2. Difficultas major est in designanda parvitatem materiæ: *Bonac.* *Hurt.* *Trull.* parvam materiam dicunt, modicum, sive exiguum frustulum; aliis apud *Dian:* p: 1: t: 12: R: 32: dicit, non plùs, quam quod licet libatoribus ciborum apud *Reges*: *Sporer* in *Th: mor:* t: 1: c: 5: n: 30. concedit medium aviculam, sed cum non determinant pondus, necdum scitur quantitas. Quidam recentior apud *Gob.* dicit materiam parvam esse, si non superet 8. uncias, sed meritò rejicitur ab omnibus. *Escob.* ponit, si non sit plùs quam uncia; *Pasq.*, si non sit plùs, quam media uncia; *Leand.* & *Dian.* putant hoc esse adhuc

huc nimis laxum , unde dicunt non debere exce-
dere octavam partem unciae: Denique *Fls: t: 4: d:*
1: R: 36. universaliter dicit materiam illam esse
parvam , quæ non potest homines ad frequen-
tem sui sumptionem allicere , quia nempe tam
parva est , ut homo non curet eam unâ die sume-
re in ordine ad nutritionem.

Q: 254: An jejunium frangatur saepius per diem 1306
comedendo pauca. *R: Affirmative, hinc Alex. VII.*
damnavit hanc *29: prop., In die jejunii, qui saepius*
modicum quid comedit, est notabilem quantitatem in
fine comedet, non frangit jejunium. Ratio autem
est, quia partes illæ uniuntur in effectu , qui est
notabilis nutritio & roboratio corporis, singulæ
enim partes cibi, sive simul sive successivè suman-
tur, addunt robur , & hic effectus roborationis
manet simul post sumptas omnes partes, hoc au-
tem est graviter contra finem præcepti intenden-
tis mortificationem carnis , ut pluribus dedu-
cunt *Mendo d. 8.q. 5. & Du Bois* , ad hanc prop.
damnata.

D V B I V M II.

Quæ cause excusent à Jejunio.

Resp. Hæ sequentes, I. Superioris dispensatio 1307
tio : quâ tamen non est opus, si necessitas sit evi-
dens, sed in dubio tantum : idque sive ad esum
carnium , sive ad secundam refectionem. Ta-
lis autem Superior est Episcopus & Parochus,
etiam præsente Episcopo , quando legitima
consuetudo sic habet: *Imò Sylv. & Sanch. de Ma-*
trim: l: 8: d: 9: n: 27: & in consil. l: 5: c: 1: d: 5: n: 18.

Fff 4 abso-

»absolutè affirmat , posse dispensare præsente
 »Episcopo : quia, inquit , ad Episcopum non re-
 »curritur in minimis , ut usus habet ; quod Epi-
 »scopi sciunt , & non contradicunt : Verùm id
 »totum pender ab usu & consuetudine , sine qua
 »non licebit. *V. Trul.* l: 3: c: 2: d: 7. Item Prælatus
 »(& in ejus absentia , Vicarius illius , ut habet
 »*Sanch.* l: c.) respectu suorum Religiosorum: non
 »tamen Confessarius , licet privilegiatus , si non
 »sit Parochus ; quia non habet jurisdictionem in
 »foro externo , *Sanch:* l: c. contra *Palaum* ; Unde
 »tantum potest judicare de justitia causæ. Causa
 »autem valida ad dispensandum , erit , vel vera ,
 »vel quæ talis putatur ; sufficit enim credulitas
 »in culpata. Item , cùm quis bonâ fide putat se à
 »jejunio excusari , et si causa insufficiens sit , tan-
 »tum venialiter peccare , docet *Caj.* At si verè
 »bonâ fide putet , se planè excusari , nullo modo
 »peccare videtur.

» II. Causa est impotentia , quâ excusantur , qui
 »sine notabili damno non possunt jejunare ; ut
 »sunt juniores , usque ad annum 21. completum ;
 »quibus tamen post 7. annum carnes dari non
 »debent. Item debiles , infirmi , convalescentes ,
 »prægnantes , laetantes , &c. Ratio , quia hi omnes
 »egent alimento multiplicato : uti & senes com-
 »muniter sexagenarii , nisi evidenter constet pos-
 »se jejunare sine damno. In dubio autem , an pos-
 »sint , non tenentur cum periculo tentare fortu-
 »nam ; quia cùm de ætate constet , & robur sit du-
 »bium , non est exspectandum , donec deficiat ,
 »tunc enim irrecuperabilis est defectus. *Gran.* r: 2:
 »d: 6: tr: 3: p: 1: dub: 6: s: 5. n: 9: *Escob:* *Lay:* l: 4: tr: 8: c: 3:

Tann:

Tan. 2:2:d:3:q:3.du.5. Fill. t. 27. p. 2. c. 6. Et c. commu-²⁹
niter, contra Nav. Sa, Sanch. de Matr. to. 2. l. 7. d. 32.²⁵
n. 17. & Consil. l. 5. c. 1. d. 4. n. 7. Ita Dia. p. 1. t. 9. R. 20.²⁹
Et c. qui absolute, sine omni restrictione sexage-²⁹
narios omnes à jejunio liberant: Quam senten-²⁹
tiam Trul. tanquam communiorum, & magis²⁹
conformem tempori, & imbecillitati humanæ,²⁹
ut ait, sequitur (cum Molfez Ortiz. Et c.) n. 3. præ²⁹
sertim cum scrupulis, quibus exponit contra-²⁹
ria, liberet. Quidam insuper id extendunt ad²⁹
eos, qui pro toto vitæ tempore certis diebus²⁹
voverunt jejunium, adduntque esse probabile,²⁹
quod sufficiat, si annus 60. sit inchoatus, eò²⁹
quod is in favorabilibus habeatur pro comple-²⁹
to. Dia. p. 5. t. 14. R. 38. ex Naldo, & Sanch. n. 6.²⁹
Item p. 9. t. 7. R. 73. ex Trul. & aliis 6. Eademque²⁹
ætate (uti & ante annum 21.) Regulares non²⁹
teneri ad jejunia sui Ordinis, probabile affirmat²⁹
Dia. ex aliis 4., qui etiam probabile censet excu-²⁹
sari fœminas quinquagenarias, ex aliis 4. Deniq;²⁹
pauperes, qui non habent alium cibum præter²⁹
prohibitum, vel non sufficientem pro unica re-²⁹
fectione. V. Sanch. l. c. d. 15. in Consil. ubi dub. 14.²⁹
ex Nav. Gabr. Angl. excusat eos, qui laborant²⁹
tertianâ vel quartanâ; item qui ex vacuitate²⁹
stomachi notabilem capit dolorem vel verti-²⁹
ginem patiuntur, vel totâ nocte calefieri, aut²⁹
dormire non possunt. Neque hos teneri manè²⁹
sumere collatiunculam, & vesperi cænam, no-²⁹
tat. Dia. p. 1. t. 9. R. 51. ex Fill. & aliis 3., quia nemo²⁹
tenetur pervertere ordinem refectionum.

III. Causa est, labor, vel officium, cum quo je-²⁹
junium non possit consistere, qualis est agrico-²⁹
larum, & multorum opificum, ut fabrorum, pi-²⁹

Fff 5 storum,

»storum, sutorum, &c. (etsi de sutoribus neget
 »Angl. cuius sententiam *Sanch. consil. l. 5. c. 1. dub. 7.*
 »n. 5. dicit esse veram, si non suant, sed tantum
 »scindant corium, & materiam præparent:) non
 »tamen pictorum, sartorum, quorum labor exi-
 »guus est. Excusat etiam *Lay. l. 4. t. 8. c. 3.* figulos,
 »argentarios, ferrarios, lignarios, fullones, cœ-
 »mentarios, coriarios, & textores. *Dia. p. 4. t. 4. R.*
 »134. & *Gordonus to. 2. l. 6. q. 18. c. 6.* versantes præ-
 »lum typographicum, non tamen typorum
 »compositores. Fossores autem, ferrarios, & fi-
 »miles, etiam die uno, vel altero, quo non labo-
 »rant, excusat *Az. &c. cum Dia. p. 1. t. 9. R. 9.*
 »Similiter excusat, qui pedibus facit iter per
 »magnam diei partem, ut ait *Sanch. dub. 10. n. 3.*
 »V. Fil. n. 119. Ratio horum omnium est, quia
 »communiter horum vires non sufficiunt ad hu-
 »jusmodi labores cum jejunio.

» Dixi, *pedibus*: quia multi non excusant equites:
 »longa tamen equitatio ad plures dies, ut docet
 »Fil. n. 122., meritò excusat: Ubi etiam concedit
 »ob labores præcedentes, & subsequentes posse
 »aliquem excusari, si probabiliter debilitatus, vel
 »debilitandus putetur, ita ut officio rite fungi ne-
 »queat. *V. Bon. to. 2. de præc. eccl. d. ult. q. 4. n. 11.*
 »Ex eodem capite Doctores excusant conjugem,
 »si debitum reddere non possit, quando jejunat,
 »ut & uxorem, quæ ob maciem non possit cum
 »jejunio se viro gratam præstare, *Bon. n. 14.* At-
 »que universim loquendo nemo tenetur opus,
 »ad quod obligatur, omittere ob præceptum
 »jejunii. ait *Caj.*, quod intelligo, nisi ista obliga-
 »tio sit valde levis, & rationabiliter postponen-
 »da obligationi jejunii.

IV.

IV. Est pietas, vel majus bonum. Unde excusantur, qui cum jejunio non possunt vacare operibus melioribus, v. g. Concionatores, Praeceptores ordinarii, Confessarii, Cantores, & quotquot opera charitatis & misericordiae, tam corporalia quam spiritualia exercent, etiam obmercedem, si ea cum jejunio peragere non possunt. *Fill. n. 24. Azor. p. 1. l. 7. c. 28. Fern. Navar. Sylv. Fag. &c.* Atque hi quidem omnes intelligunt ferè addunt, quando eorum labores cum jejunio non possunt consistere, *Diana autem (absolutè loquendo) p. 1. t. 9. R. 9.* Prædicatores, qui diebus quadragesimalibus, (intellige omnibus) concionantur, putat à jejunio excusandos, quia, inquit, summo opere laborant: non item eos, qui Dominicis tantum concionantur, nisi sint debiles, *Sanch. tamen d. 13. n. 6. 7. & 8. Trull. l. 3. c. 2. d. 7.* putat à jejunio Quadragesimæ communiter, & regulariter excusari eos, qui ter vel quater in hebdomada concionantur, cum fervore. De Lectoribus verò *Dian. l. c. cum Fag. p. 4. l. 1. c. 8. n. 19:* censet, non omnes excusandos, sed eos tantum, quorum labor est improbus; vel quia ita sunt debiles, ut satisfacere non possint. Idem ferè sentit *Sanchez*, licet l. c. putet, Lectores eos, qui quotidie quatuor lectiones legunt, (ut in Societate faciunt præceptores grammaticæ,) satisfacere, si mediâ Quadragesimâ, sive ter in hebdomada jejunent, eò quod sit magnus labor, & paucis annis sic fatigentur, ut progressi non possint. Sic ille. Verum præstat, ut Superiores, ad tollendum scrupulum, cum talibus dispensent, (ut monet idem *Sanch. l. c.*) nam in omnibus istis, regula certa & universalis

lis

»lis statui non potest alia, quām quōd lex Ecclesiæ
»non obliget, cum magna difficultate, ut notat
»Lay. n. 3.

» V. Charitas, vel etiam urbanitas secundūm
»quosdam excusat à veniali eum, qui die jejunii
»rogatus ab amico, modicum cibi sumit. Med.
»Fag. Fill. Dia. p. 1. t. 9. R. 29.; vel qui ad excitan-
»dum infirmorum appetitum, comedit parūm,
»etiam carnis. Nav. Sanch. Dian. p. 5. t. 5. R. 32.

ADDENDA.

1308 Q. 255. *Quid notandum sit circa dispensationem in jejunio.* R. Seqq. §. 1. Ad dispensandum cum particularibus sufficit una ex causis à jejunio non totaliter, sed aliquo modo, attamen non sufficienter excusantibus; item secundūm dicta l. 1. n. 804. sat̄ s̄t, si dubium sit, an causa sufficiat necne, si enim causa esset gravis & certa, non es-
set opus dispensatione, ita cum aliis illi. t. 4. d. 1. n. 49. Quōd si Superior advertat causam adhuc esse minūs sufficientem, Tamb. in Dec. l. 4. c. 5. §. 7. n. 60. & alii suadent misceri aliquam commu-
tationem, v. g. in Orationem vel eleemosynam. *Dixi*, cum particularibus, nam pro dispensatio-
ne universali, quātentur etiam alii multi, in
quibus fortè causa non subsistet, ut si dispense-
tur propter communem penuriam piscium,
quos tamen multi nobiles & divites habere pos-
sent, videtur requiri certitudo causæ rationabilis
nunc existentis, qualis esset periculum morbo-
rum propter pisces infectos, non quōd certum
esse debeat tales morbos esse secuturos, sed quōd
nunc debeat certò esse prudens metus & pericu-
lum, quōd morbi sint inde probabiliter secuti, ita

ita ut requiratur certitudo periculi , non tamen certitudo eventūs: Ratio est , quia lex universalis jejunii est in certa possessione , à qua universaliter dejici non debet propter dubiam causam , hæc enim videtur esse mens Ecclesiæ sollicitè inquirentis in causas majores pro universali dispensatione , quamvis pro particulari in favorem hujus vel illius personæ non ita rigidè procedat , eò quod lex communis ipsius adhuc retineat obseruantiam suā quoad reliquos.

§. 2. Si quis initio Quadragesimæ obtineat dispensationem à jejunio ob morbum , à quo post dies 8: integrè sanetur , *Salas & Burgh. cent. 1.*
cas. 24. putat manere dispensatum pro reliqua parte Quadragesimæ , tum quia lex est sublata , nec redit sine nova voluntate Superioris , tum etiam quia dispensatio cum justa causa semel facta non revocatur , & favent dicta l. 1. n. 840 ; sed contrarium est probabilius cum *Sanch. De Matr. l. 8. d. 30. n. 4. Steph. t. 1. d. 5. n. 128 & aliis* , quia dispensatus tantum potuit petere pro tempore , quo erat causa , & dispensans censeri debet dispensasse tantum pro eodem tempore , alioquin illicitè dispensasset , ergo cessante causâ cessat dispensatio : opposita tamen sententia habebret locum , si dubium esset , an perfecta sanitas sit obtenta ; item pro scrupulofisis. Vide dicta l. 1. n. 796. in fine ante Appendicem , item n. 808.

§. 3. Apud Religiosos possunt in jejunio cum *subditis suis dispensare Provinciales & Superiores locales* , ita *Azor t. 1. l. 7. c. 18. q. 6. Castrrop. t. 30. d. 3. p. 2. §. 5. n. 12.*; non tamen Abbatissa , nec Medicus , cùm careant jurisdictione spirituali , *Tamb. n. 62. cum communi. Quivis tamen homo*

homo prudens, & præcipue Medicus, potest declarare talem esse statum infirmi, ut non compatiatur jejunium, quo posito per se desinit ejus obligatio: quod si status ille permaneat dicitur, à Superiore petenda est dispensatio; si enī sit dubium de gravi damno futuro ex jejunio, non esse opus dispensatione docent f. Sanch. & Caram., sed tenendum est oppositum cum Sanch. & Jlls. supra, nisi adiri non posset Superior, & periculum esset in mora, quia lex manet in possessione.

1311 §. 4. In plerisque Dioecesibus possunt Parochi per consuetudinem dispensare in jejunio, etiam quoad esum carnium, cum particularibus personis: quod specialiter de Dioecesi Monasteriensi verum est, saltem pro locis, in quibus non resident Episcopus vel Vicarius ipius, immo & pro his locis dicunt se facultatem habere Parochi saltem per consuetudinem, nec improbavit Celsissimus Episcopus a me interrogatus, cum fiat in urbe Roma, in qua Papa & ejus Vicarius resident; & ita tenent etiam plures cum Leur. p. i. q. 437.n.1.

1312 §. 5: Si Episcopus in Quadragesima dispensans permittat diebus Solis, Lunæ, Martis & Iovis carnes, dubium manet, 1: An in die Solis licitum sit, quoties quis volet, carnes comedere: 2: An illi, qui per ætatem vel labores possunt plures refectiones sumere, etiam possint pluries illis diebus vesci carnis: Et de his interrogandus est dispensans, quia non ubique est eadem omnium voluntas.

An ille, cui permisus est esus carnium vel secunda refectio, hoc ipso permisæ sint etiam plures, dictum est a n. 1269.

Nimiam

Nimiam esse in Episcopis, Medicis, Confessariis facilitatem dispensandi vel declarandi in jejunio & carnis, conatur persuadere Eliz. in doctr morum l. 6. q. 16. §. 11., qui videri potest: Medicum autem dispensare non posse, dicetur l. 4. n. 1538.

*Q. 256. An dispensatus ad carnes valetudini ser- 1313
vientes, v.g. ad gallinas, possit comedere omnis generis
carnes etiam nocivas, v.g. porcinas. R^e: Affirmat
Tamb. in Dec: l. 4. c. 5. §. 1. n. 8., sed oppositum
videtur probabilius, quia expressio illarum car-
nium sat^s significat mentem dispensantis esse ad
has restrictam, maximè cùm pro illis non sit ra-
tio dispensandi, quæ erat conductia ad vale-
tudinem. Nec obstat, quod privilegia sint ampli-
anda, nam nego hoc esse privilegium, sed est pu-
ra dispensatio à communi lege & consuetudine,
adeoque odiosa & restringenda secundūm dicta
l. 1. n. 798. Si tamen propter valetudinem di-
spensatum esset in genere ad carnes, videtur li-
citum comedere quascumque, etiam si hæ aut
illæ in communi non habeantur salubres, fortè
enim proderunt huic subjecto, maximè si ad il-
las sit magnus appetitus, nec immodicè suman-
tur; foretque aliàs nimis expositum scrupulis,
cùm nesciamus, quænam obsint aut profint
magis.*

*Q. 257. Quid addendum sit circatempus vel æta- 1314
tem, in qua obliget lex jejunii. R^e. §. 1. Probabilius
est contra Nav. & alios, quod adolescentes etiam
valde robusti non teneantur jejunare ante an-
num 21. completum, nequidem aliquibus die-
bus, uti volunt Silv: & alii: Ratio est, quia Eccle-
sia illos solos obligat, qui incipiunt corpore con-
fistere,*

sistere, & licet hic vel ille sit satiis robustus, tamen leges non attendunt ad hoc, quod raro est, sed quod communiter, omnes autem communiter crescunt & firmantur saltem usque ad annum 21: completum, adeoque tum indigent majori alimento, ita cum communi *Sanch:* in Conf: l: 5: c: 1: dub: 2.

1315 §: 2: Qui post diligentem inquisitionem adhuc dubitat, an annum 21: expleverit, non tenetur jejunare, quia libertas ejus est in possessione contra præceptum, *Bonac:* de restit: d: 1: q: 2: p: 2. n: 11: aliique multi cum *Diana* p: 4: t: 3: R: 21.

1316 §: 3: Si quis compleat annum 21: in Quadragesima, tenetur reliquo tempore jejunare, etiam si unicus dies superesset, quia præceptum illud divisibiliter obligat ad singulos dies, *Sanch:* supra dub: 2:, imo idem *Sanch:* de Matr: l: 2: d: 24: n: 23. & posteum *Lez:* v: *Annus* n: 9: ac v: *Etas* n: 8., docent, si compleat horâ octavâ manè, teneri reliquo die jejunare, sed contradicunt in hoc ultimo f. *Sanch.* *Loth.*, *Diana* p. 1. t. 9. R. 49., eò quod præceptum hoc videatur respicere diem integrum veluti individuum objectum, adeoque si non comprehendat totum, nec comprehendere partem: utraque opinio est satiis probabilis: debere tamen ejusmodi tempora considerari Ecclesiastice quoad inceptionem & desitionem obligationis, diximus l: 1: n: 584.

1317 §. 4. Viros omnes, hoc ipso quod annum 55. attigerint, excusant aliqui teste *Diana* p: 11: t: 3: R: 9., sed rejiciuntur communiter ab omnibus: sexagenarios tamen, quamvis adhuc robustæ sint valetudinis, præter citatos à *Busenb.*, absolutè

solutè excusant *Trull.* *Llamas*, *Angles*, *Portell*, *J. Sanch.* *Castrop.* n. 6. *Tamb.* §. 7. n. 1. *Steph.* n. 124. *Burgh.* cent. 3. cas. 4., & ita sensisse etiam *Pium V.* dicit *Diana* p. 1. t. 9. R. 20., addens se existimare sexagenarios certò & infallibiliter excusari, quia sunt senes, ætas autem senum est inconstans & infirma, seu media inter morbum & sanitatem, inquit *Galenus*, imò senectus ipsa est morbus, ergo meritò à jejunio excusat; putat tamen *Jlls.* n. 45. annum 60. debere esse completum, licet alii apud *Busenb.* teneant oppositum. E contrà sexagenarios teneri jejunare, si per præsentes vires commodè possint, docent *S. Antonin.* *Az. Med. Tol.* *Leff. Val.* *Bacho.* *Lez.* *Tann.* *Fagund.* *Fill.* *Bonac.* *Laym.*, quia certum est illos ante annum sexagesimum fuisse obligatos, & dubium est, an per sexagesimum eximantur, ergo lex est in possessione, à qua dejici non potest per dubium superveniens, ergo si aliunde non dejiciatur, perget obligare: Cur autem certa ætas, nempe annus 21., statuatur pro inceptione, & nulla statuatur pro desitione legis, hæc est disparitas, quod omnes usque ad annum 21. adolescent & debeant firmari, è contrà multi post sexagesimum non deficiunt notabiliter.

§. 5. Mulieres quinquagenarias absolutè ex- 1318
cusari putant *Narbona*, *Mach.* *Pelliz.* *Loth*, neque damnare audet *Diana* p. 9. t. 7. R. 73., quia citius senescunt, & de se sunt debilioris complexionis: sed *Sanch.* dicit sententiam illam non esse tutam, *Laym.* *Fagund.* *J. Sanch.* *Tamb.* n. 5. dicunt esse improbabilem, nam dato, quod prius senescant, etiam minus

Tom. III.

Ggg

mace-

macerantur jejunio ; & quamvis debiliores sint , etiam indigent non tantum minoribus viribus , sed etiam minore alimento : si quæ tamen sit notabiliter debilior , poterit per malam valetudinem excusari ; estque etiam major causa cum talibus dispensandi , uti notant *Sanch.* de Matr. 1. 7. d. 32. & *Pafq.* decis. 257. , qui quamvis citentur pro contraria sententia , tamen plūs non videntur velle.

1319 §. 6. *Sanch.* & alii cum *Tamb.* n. 9. putant eum , qui vovit jejunare totâ vitâ diebus Veneris , post annum 60: non obligari , eò quod votum videatur obligare secundum modum legis Ecclesiasticæ : Sed *Laym.* dicit sententiam illam esse improbabilem , quia obligat quidem secundum modum legis Ecclesiasticæ , quantum ad formam & modum jejunandi , non autem quantum ad personas , alioquin qui ante annum 21. vovisset jejunare , tum non tenentur , quia Ecclesia tum non obligat eum ; Ratio itaque à priori est , quia potest aliquis per votum sibi imponere obligationem , licet talem ei non imponat Ecclesia. Vide hīc p. 1. à n. 438.

1320 §. 7. Si alicui per dispensationem ad ineundum Matrimonium , loco voti castitatis sit subrogatum jejunium omni die Veneris , *Tambur.* n. 12. putat excusari post annum 60: , sicuti excusaretur , si incideret in morbum ; sed oppositum videtur tenendum , nam etiam post annum 60. obligaretur ad castitatem , subrogatum autem sapit naturam illius , cui subrogatur , Cap. 1. & 2., Ut lite pendente : & ratio à priori est , quia videtur sic facta commutatio , quam-

quamdiu vis frui Matrimonio , tamdiu utere jejunio : quod autem non obligetur , si incidet in morbum , ideo est , quia jejunium tum illi esset graviter noxiū aut moraliter impossibile , uti supponitur , tum autem non obligat Ecclesia : Vide tamen iterum dicta p. 1. n. 439.

Q. 258. Quid circa pauperes sit notandum. R. 1321
Seqq.

§. 1. Pauperes tenentur jejunare eo die , quo simul habent plenum prandium , nisi ex præcedente inediâ ita essent debilitati , ut jejunium commode ferre non possent , ita Sanch. in Cons. I. 5. c. 1. dub. 15. Lez. aliique cum Steph. t. 1. d. 5. n. 130. Pro prandio tamen debito non sufficiunt panis , olera & fructus , uti docent Sanch. Angles , Pasq. aliique apud Diana. in Comp. v. Jejunium , n. 14. Neque solus panis & vinum , inquit Tamb. in Dec. I. 4. c. 5. §. 7. n. 34. , sufficent tamen pro uno vel altero die , uti notant idem Tamb. & Steph. suprà. Addit Pasq. ad debitam ejusmodi refectionem requiri , ut pro potu adsit vinum vel saltem cerevisia , ubi non adest vinum , sed Diana p. 10. t. 12. R. 25. & t. 16. R. 77. aliique contradicunt , quia potest , per se loquendo , sine tali potu consistere plena refectio.

§. 2. Toleratur apud nos consuetudo , inquit 1322 Laym. I. 4. t. 8. c. 3. n. 3. , ut reliquiæ carnium , quæ in Bacchanalibus non sunt absumptæ , dentur pauperibus absumentæ.

§. 3. Qui pro sufficiente refectione non habet cibos esuriales , potest ova , aut his defici- 1323 entibus carnes comedere , quia benigna mater

Ggg 2 Eccl.

Ecclesia non censetur velle totâ die ad panem , aquam & pauca legumina adstringere, *Sanch. Di-an.* & alii : quod multi cum *Vidald.* & *Pasq.* decif. 49. dicunt etiam de divite , qui ad hospitium venit , in quo haberi non possunt cibi esuriales , negant tamen hoc *Leand.* *Diana* p. 10. t. 14. R. 59. *Steph.* n. 96., si tantum uno die non haberet alios cibos præter panem , nisi esset persona delicata aut è contrà valde robusta , quæ sine carne com-modè saturari non posset.

1324 Q. 259. *An excusetur , qui magnam in jejunio sentit difficultatem , vel jejunans dormire non potest.*
R.
Bz.

§. 1. *Med.* & *Fill.* t. 27. p. 2. n. 125 simpliciter negant aliquem excusari ob difficultatem , quia finis jejunii est mortificatio , quæ est victoria difficultatis : è contrà *Bonac.* in *Decal.* d. ult. q. 1. p. ult. n. 15. simpliciter affirmat , quia magna difficultas videtur æquivalere magno in-commodo , quod à tali lege humana excusat ; neque opus est incommodum magnum esse præsens , sed satís est rationabiliter timeri , inquit *Tamb.* n. 14., qui tamen postea n. 47. cum *Pasq.* decif. 296. probabilius sic distinguit , si difficultas oriatur ex habitu vitioso , v. g. intempe-rantiæ, tenetur hanc vincere & jejunare , ob rationem *Fill.*; si autem oriatur ex naturali con-ditione stomachi nimis calidi & voracis , potest sumere , quantum sufficit ad temperandum hoc grave incommodum , ob rationem *Bonac.* Similiter si quis nimiam difficultatem haberet ob debilitatem stomachi , deberet manè sumere aliquid per modum medicinæ , nec ideo impedi-retur

retur ab ordinaria collatione vespertina, *Sanch.*
dub. 22.

§. 2. Qui dormire non potest, nisi vesperi plenè refectus, debet in prandio sumere collationem & vesperi prandium, ita multi contra utrumque *Sanch.* *Dian.* p. 1. t. 9. R. 51. *Castrop.* §. 5. n. 9. *Tambur.* n. 14. Loth & alios, qui dicunt non teneri hunc ordinem invertere, sed sumpto secundum consuetudinem prandio posse iterum plenam refectionem sumere vesperi: Ratio nostra est, quia sic potest commodè servari substantia jejunii, qui autem tenetur ad finem, etiam tenetur ad media non difficultas: & idem est, si quis non posset jejunare, nisi sumpto manè jentaculo, ut fatetur *Sanch.* dub. 27. n. 4. Similiter dub. 32. docet teneri comedere ova, qui aliter non posset servare jejinium; addo ego etiam carnes, quia cum harum esu consistit jejinium, secundum dicta n. 12. 69.

Q. 260. An excusat puerula vel vidua volens nubere, si jejunio reddenda esset deformis. Re. Affirmant *Lop.* *Sanch.* *Tambur.* n. 45. *Boudew.* p. 1. q. 44. Loth apud *Steph.* n. 131., quia si propterea minus desideretur, est notabile damnum: signum autem tantæ jacturæ tum erit, si ita color deperderetur vel induceretur macies, ut talis fœmina visa, statim de eo defectu notaretur, ita *Tambur.*; verum non facilè erit periculum illius incommodi, raro enim notabiliter deformabitur homo propter jejunia ordinaria Ecclesiæ, unde sententia illa vix pro praxi habebit locum.

Q. 261. An excusat, qui habet duo cauteria. Re. 1327
Affirmat *J. Sanch.* d. 54. n. 17., quia talis redditur

maximè debilis, teste experientiâ aliquorum ab eo consultorum: sed opinio illa sequenda non est, nisi concurrant plures circumstantiæ debilitatis vel laboris, nam experientia contraria probat, quòd cum duobus imò & pluribus cauteriis, per se loquendo, commodè stare possit jejuniū, uti rectè Pasq. decis. 266.

1328 Q. 262. Quid addendum sit circa excusationem quorundam ratione laboris vel officii. R. Seqq.

§. 1. Quivis labor non excusat à jejunio, nam Alex. VII damnavit hanc 30. prop., Omnes officiales, qui in Rep. corporaliter laborant, sunt excusati ab obligatione jejuniū, nec debent se certificare, an labor sit compatibilis cum jejunio.

1329 §. 2. Ars ex se laboriosa liberat unumquemque à jejunio, etiam robustum & potentem cum eo labore jejunare, quia Ecclesia non includit sic laborantes, & lex est, secundūm id, quod communiter est, communiter autem non possunt homines cum ejusmodi labore jejunare: E contrà tamen quamvis labor de se non sit talis, ut excuset, si tamen complexio personæ sit talis, ut officium, quod aliis leve est, ipse non possit sine magno incommodo conjungere cum jejunio, excusatur, Sanch. Regin. Tamb. n. 18.

1330 §. 3. Opera ex se laboriosa sunt, quæ exercentur cum magna agitatione corporis, per hanc enim spiritus multū consumuntur: & talia sunt, præter relata à Busenb., arare, fodere, triturare, secare lapides, portare onera, texere latos pannos etiam pedum adminiculo, remigare, percursare urbem vendendo merces &c.;

&c.; hæc enim, si longo tempore exerceantur, multum fatigant.

§. 4. *Fagund.* & *Ledesma* apud *Dian.* p. 1. t. 9. R. 8. 1331
 excusant sartores & barbitonsores, sed absolutè tenendum est oppositum cum *Mendo* d. 8. q. 8., quia hic labor fit sine agitatione & incommodo magno: *Steph.* n. 132. excusat sartores, si impensis laborent etiam per magnam partem noctis, sed & hic spectandæ sunt vires, nam labor ille de se non excusat, ergo si vires sint pares jejunio, manet obligatio.

§. 5. *Angles* aliique cum *Burgh.* cent. 3. cas. 5. & 1332
Diana in comp. v. *Jejunium*, n. 10. excusat eos, qui multum scribunt, v. g. Regum Secretarios, quia tale officium requirit constantes vires, sed dicendum est cum *Sanch.* dub. 7. non excusari, possunt enim vires habere sufficientes, quamvis jejunent; imò temperantia & jejunium maximè conducit ad valetudinem sedentiarum.

§. 6. Qui laboriosis operibus incumbunt, excusantur, licet uno vel altero die non laborent, si v. g. sit festum, *Sanch.* suprà, *Dian.* R. 9. *Tambur.* n. 24. *Mendo* q. 7. referens alios multos: si verò tres vel quatuor dies jejunii sequerentur, quibus non laborarent, *Sanch.* & alii dicunt debere jejunare aliquibus diebus ex his, v. g. alternis.

§. 7. Suppositâ fatigatione gravi etiā malo 1334
 fine causatâ, v. g. insequendo concubinam, si non prævideris fatigationem illam fore incompossiblem cum jejuniø, sententia communis habet, quod possis sèpius comedere: imò licet prævideris, adhuc dicunt *Palud.* *Silv.* *Fill.* *Sanch.* *Dian.* *Castrrop.* *Tambur.* *Laym.* l. 4. t. 8. c. 3. n. 5., &

Ggg 4 teste

teste Pasq. omnes communiter , te posse s̄epius comedere , quia moraliter impotens jejunare , non tenetur , atqui talis est moraliter impotens jejunare , uti supponitur , ergo non tenetur : major difficultas est , an hic antecedenter peccarit , etiam contra legem jejunii , ponendo istam causam defatigationis ; negant Led. Med. Bonac. Roccaf. Leand. Pasq. & alii , sed dicendum est cum S. Th. Sanch. Castrop. Diana p. 10. t. 14. R. 11. aliisque communissimè peccasse etiam contra legem jejunii quia sicuti omne præceptum obligans ad aliquid , etiam obligat ad media observationi illius necessaria , ita etiam prohibet omnia incompossibilia cum ipso , uti præceptum Missæ prohibet somnum toto manè continuari , secundum dicta l. 1. à n. 782. , neque verum est , quod sit jus ad ejusmodi actiones , per quas eluderetur præceptum , sed jus ad has suspenditur , præsertim si sint actiones illicitæ , ad quas nunquam propriè est jus : & hæc maximè valent , si tale quid incompossible assumatur in fraudem legis , seu ex intentione non jejunandi , uti omnes communiter fatentur contra Pasq. Roccaf. & J. Sanch. , ac sat is constat ex legibus l. 1. n. 784. relatis , ubi à n. 782. videri debent plura huc spectantia . Ex his ,

1335 Sequitur , omne opus incompatibile cum jejunio , esse in die jejunii omittendum , si commode omitti possit , uti habent S. Th. & alii cum Moya t. 1. t. 6. d. 5. q. 1. n. 21. Hinc Tamb. n. 31. non excusavit adolescentem nobilem , qui ex summa voluptate dabat operam arti ferrariæ in elaborandis sclopetis : excusat tamen justa causa , qualis juxta Moyam n. 22. est omnis labor assumptus

ptus ad utilitatem spiritualem aut corporalem , propriam vel alienam ; hinc secundum ipsum excusant omnes artes , etiamsi artifices ad sui sustentationem non indigeant , uti docent Rosel . Silv. Less. Vind. Gob. p. 2. prop. 13. n. 18. ; qui referunt Eugenium IV. ita declarasse : Item excusant honestæ recreaciones quandoque assumptæ; item universaliter omnia opera jejunio meliora, quia Ecclesia non intendit hæc impedire : Addunt Vcl. Henriq. Castrop. Bonac. Sanch. Bossius, excusare laborem ex quovis honesto fine assumptum, uti si operosè veneris, ludas, curras, pedibus eas ad amicum invisendum , cùm posses equo &c., quia nulla lex videtur tibi prohibere talem actionem ex honesto fine suscepitam, suppositâ autem fatigatione inde causatâ jejunium est moraliter incompossibile ; requirit tamen meritò Sanch., ut hoc non fiat frequenter. Denique notat Less. de Just. l. 4. c. 2. n. 43. eos excusari , qui damni vitandi vel notabilis lucri (cuius occasio non semper datur) captandi causâ labrant, etiamsi ex officio non soleant , ut qui ad nundinas proficiscuntur, præsertim pedites, vel ad alia negotia, quæ commodè differri nequeunt.

§. 8. Si quis actionem graviter fatigantem 1336 & de se non malam assumat , partim ob recreationem, partim etiam ut non teneatur jejunare , aliqui cum Diana p. 1. t. 9. R. 40. putarunt non peccare contra legem jejunii, quia hæc lex nō videtur præcipere , ut abstineam à recreatione mea, nec prohibet, ut me eximam ex eo statu, in quo obligor, alioquin petere non possem dispensationem à præcepto , neque possem hinc ,

Ggg 5 ubi

ubi est jejunium locale , exire , ut alibi non jeju-
nem , & tamen hoc licere , dicunt multi relati l. 1.
n. 683. Nihilominus alii cum S.Th. probabilius
contradicunt , ac ipse met Diana p. 10.t.14.R.11.
retractatâ priore sententiâ fusè probat ejusmodi
hominem peccare contra legem jejunii , quia ta-
les leges non tantum obligant , ut quis non impe-
ditus eas observet , sed etiam , ut quamdiu manet
in actu primo obligatus , (uti fit in nostro easu)
non ponat , sine justa causa , impedimentum ob-
servationi : quod si petat dispensationem , vel
exeat è loco , ubi est jejunium , ad alium locum ,
ubi non est , facilius excusatur , quia intendit non
jejunare eo tempore & loco , quo nequidem in
actu primo obligabitur , ille enim tantum tene-
tur , qui non est dispensatus , & est in tali loco , in
quo lex obligat . Vide Vind. Gob. p. 2. prop. 13.

1337 §. 9. Possunt permitti carnes illis , qui labo-
rant vel famulantur inter hæreticos , dummo-
do tollant scandalum , dicendo sibi hoc per Ec-
clesiam licere in tali circumstantia : an autem &
quomodo Catholici se addicere possint ejusmo-
di servitiis , videri possunt dicta l. 2. à n. 102.

1338 Q. 263. *Quid notandum sit circa excusationem
ratione conjugii. R. Seqq.*

§. 1. Licet conjux reddatur minus potens ad
reddendum debitum , non ideo tenetur omit-
tere jejunium , quia habet jus ad opera spiritua-
lia , licet per hæc aliquantum impediatur à de-
bito corporali , ita Corneio , Steph. t. 1. d. 5. n.
131. Tenetur autem conjux jejunare , quam-
vis non sit futurus potens ad petendum debi-
tum , quia non tenetur petere , Tamb. in Dec. l. 4.
c. 5. §. 7. n. 40.

§. 2.

§. 2. Si Medici censeant jejunium nocitum ¹³³⁹
proli concipiendæ, mulier excusatur à jejunio,
quia grave esset incommodum non posse fovere
prolem concipiendam, *Tamb. n. 17.*

§. 3. Docent *Mendo d. 8. q. 9. filii. t. 4. d. 1.* ¹³⁴⁰
n. 44. aliqui communiter; quod mulieres præ-
gnantes & lactantes, quamvis sint robustæ va-
letudinis, à jejunio excusentur, quia ob fœ-
tum vel prolem alendam indigent copiosiore
cibo.

§. 4. Uxor non excusatur ex eo præcisè, quod ¹³⁴¹
vir prohibeat, ne jejunet, quia non habet jus
prohibendi, & ipsa magis tenetur obedire Ec-
clesiæ quam viro: posset tamen, si alioqui præ-
videret graves discordias, non jejunare, quia præ-
cepta positiva non obligant cum gravi scando-
& incommodo, & pax mutua conjugum præ-
ponderat jejunio: si tamen aliquis maritus face-
ret in contemptum Ecclesiæ vel jejunii, uxor te-
neretur potius vitam ponere, quam obsequi,
Steph. suprà.

§. 5. Per se loquendo, non est licitum viro ¹³⁴²
uxoris hæreticæ, propter ipsam frangere jejunia,
quia vir est caput uxor, & hanc potius adduce-
re debet ad suum modum vivendi. Excipe, nisi
uxor ob impotentem indolem vel longè majo-
rem nobilitatem haberet imperium, ita ut vir
fine gravi molestia & turbatione familiæ aliter
non posset.

Q. 264. *Quid circa itinerantes sit addendum.* ¹³⁴³
Bz. Seqq.

§. 1. Iter equestre non semper excusat à jejunio, nam Alex. VII. damnavit hanc 31. prop., *Excusantur absolute à præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei confiant.*

1344 §. 2. Quando nam itinerantes excusentur à jejunio, variant AA., nam Pasq. dicit pro pedite sufficere iter 7. milliarum Italicorum, sive apud nos duarum leucarum & mediæ circiter, tria enim milliaria Italica faciunt unam leucam seu horam nostratem, uti notant AA. apud Steph. n. 132. Leander dicit sufficere 3. Leucas: alii cum Diana requirunt 4. tantum leucas; Castrop. quatuor vel quinque, sed hi AA. communiter rejiciuntur: hinc Azor, Bonac. Fagund 7. Marcha. & alii requirunt saltem 5. leucas. Pro equite vero Leand. dicit sufficere 10. vel 8. leucas, quamvis unico die equitet, & Diana dicit esse probabile, sed p. 11. t. 2. R. 57. cum Mendo & Hurt. requirit 9. vel 10. leucas: Fill. Bonac. & Pasq. decis. 116. requirunt iter plurium dierum, præsertim in æstate, quando minus est molestum equitare: His non obstantibus, probabilius est cum Steph. suprà regulam generalem in istis statui non posse nisi hanc unicam, tum tantum excusari itinerantem à jejunio, quando cum labore itineris, quomodocumque tandem illud fiat, non potest consistere jejunium sine magna difficultate & incommodo: Ratio est, quia aliqui plus alii minus laboris capiunt ex via; item, iter 4 leucarum propter montes & alia incommoda est longè difficilior plano per 5. vel 6. leucas: item, iter tempore pluvioso, per vias lubricas, vento in faciem oppo-

opposito, est duplo laboriosius quam aurâ sere-
nâ, viis siccis, vento secundo &c. Deinde aliqui
fine ullo labore & molestia equitant vel curru
vehuntur totâ die; alii mallent ire pedites: item,
aliquis maller conficere 12. horas in hoc equo,
quam 6. in illo &c. ergo non potest statui pro o-
mnibus regula generalis, nisi illa, quam dedi-
mus.

*Q. 265. Quid addendum sit circa excusationem ob 1345
pietatem vel majus bonum. R. Seqq.*

§. 1. Peregrinatio excusat, si fiat ex voto vel
præcepto Confessarii, & aliâ die commodè in-
stitui non possit, ita cum aliis Laym. l. 4. t. 8. c. 3.
n. 5. Addit cum aliis *Sanch.* in *Conf.* l. 5. c. 1. dub.
11. etiam illam peregrinationem excusare, quæ
ad Dei honorena valde utilis est, aut fit ex ma-
gno affectu pietatis, ita ut peregrinanti videatur
futura utilior quam jejunium, aut quia erit uti-
lis, v. g. ad lucrandas indulgentias in altero lo-
co; Item potest quis inire peregrinationem, li-
cet incurrit dies jejunii, si longa sit & alioqui
careret sociis; imò *Bonac.* de peccat. d. 2. q. 8. p.
1. num. 16. *Tamb.* num. 30. *Moya* t. 1. t. 6. d. 5,
q. 1. num. 22, & alii absolutè dicunt excusare o-
mnes pias peregrinationes, quia videntur melio-
res jejunio.

§. 2. Si quis ex pio fine se cruentè flagellet, præ- 1346
videns se ita debilitandum, ut jejunare non te-
neatur, *Palatios* & alii dicunt peccare, si non jeju-
net, sed probabilius excusant *Bonac.* p. ult. n. 9,
Sanch. dub. 12, *Moya* & alii cum *Tambur.* suprà,
quia hæc est honestissima fatigatio, quæ videtur
etiam ipso jejunio melior.

§. 3.

1347 §. 3. *Sanch.* dub. 13. cum aliis viris doctis dicit eos, qui frequenter concionantur, excusari à jejunio pridie & die concionis, quia hoc videtur requisitum pro robore necessario ad diu concionandum; idem tenet *Diana* p. 10. t. 11. R. 32., nec videtur dissentire *Castrop.* t. 30. d. 3. p. 2. §. 5. n. 11., licet id neget *Tamb.* n. 26., & saltem non videtur licere pridie coenare, si alterā die prius post meridiem dicet, quia vires per sequens prandium sufficienter reficiuntur. Idem *Sanch.* *Castrop.* & alii viri docti dicunt Magistros Grammaticæ apud nos, qui quotidie 4 horis docent, non teneri jejunare, plus quam tribus diebus de septimana, licet dicant se esse robustos: quod si aliquis eorum fuerit debilior, minus aut nihil te-nebitur; estque, inquit *Sanch.*, causa sufficientissima, ut cum illis omnibus dispensent Superiores.

1348 §. 4. Si quis jejunans plus vexetur temptationibus carnis quam non jejunans, non ideo excusat tur à jejunio, per se loquendo, ut recte *Bonac.* n. 15., tum quia aliter vinci possunt temptationes, tum quia non tam nascuntur ab inedia quam à phantasia inde apprehendente causam, aut forte etiam à dæmone volente per hoc deterrere à jejunio.

1349 Q. 266. *An omnes Monachi excusentur à jejunio.*
Bz. 1. *Caram.* in *Th. fundam.* tom. 1. fol. 537. proponit & petit sibi solvi hanc rationem dubitandi: Musici à jejunio excusantur, sed omnes Monachi sunt Musici, ergo omnes Monachi excusantur à jejunio. *Majorem* docent f. *Sanch.* d. 44. n. 18. *Diana* p. 1. t. 9. R. 1. *Tamb.* n. 26. *Mino* retiam est vera, nam æquè canunt ad notas, & quidem

quidem longè laboriosius. R. 2. cum Steph. n. 137. dist. maj., musici à jejunio excusantur, si per jejunium corrumperent voces, vel redderentur inhabiles ad canendum, c, tum enim paterentur grave incommodum, cùm vivant ex voce grata; hoc tamen raro aut nunquam causabitur à jejunio; nec aliud volunt AA citati: unde si horum neutrum sit, n. excusari, neutrum autem est in Monachis, maximè cùm non ita curent vocem, sed fractâ voce canentes æquè satisfaciant choro.

Q. 267. Quomodo urbanitas excusat. R. Si quis 1350
rogatus ab amico, ne videatur inurbanus, sumat non ultra duas uncias, dicunt, præter citatos à Busenb., Vidald., Lez. aliquique septem apud Steph. t. 1. d. 5. n. 111. quod nullo modo peccet, quia sumit, non tam ex intentione comedendi, quam urbanitatis & amicitiae causâ, cui servire pertinet ad specialem virtutem: Sed contradicit Castrop. §. 2. n. 5., quia petitio amici est iniqua, utpote opposita præcepto Ecclesiæ. Putant quidem Nav. aliquique apud Dianam in Comp. v. Jejunium, n. 51. aliquem die jejunii dispensatum, posse alium ad cœnam invitare, ut secum comedat, quem scit nihilominus cœnaturum alibi, eò quod talis invitatio censeatur conditionata, si vis, quia vis comedere; nec sit causa efficax peccati, quod jam in animo conceptum erat, sed probabilius contradicunt Diana aliquique cum Less. l. 4. c. 2. n. 21., quia nemo potest invitare ad id, quod sine peccato præstari non potest: de quo plura diximus l. 2. à n. 255. & speciatim n. 256.

Q. 268. Quid faciendum sit cum illis, qui præ- 1351
ten-

tendunt causas non sufficienter excusantes. R. Si quis, saltem in his regionibus Septentrionalibus, afferrat rationem aliquo modo probabilem, ob quam non jejunet, saltem omnibus diebus, Laym. l. 4. t. 8. c. 3. n. 6. & 7. item Castrop. §. 5. n. 11. dicunt dissimulandum esse ac posse absolvī, ne, si contradicatur, gravius peccet & nunquam jejunet: verūm doctrina illa est difficilis, nam si non credatur esse paratus observare omnia præcepta graviter obligantia, non est dispositus ad absolutionem; si autem credatur esse paratus observare, moneri potest, est enim certa spes fructūs; & officium Doctoris, quo fungitur Confessarius; videtur id exigere; intelligo, si Confessarius satiis certus sit de obligatione pœnitentis, de qua etiam non sit pœnitenti permansurum prudens dubium, si à Confessario fuerit melius instructus; quando enim talia pro sui accusatione vel excusatione proponunt Confessario, censentur eum consulere, ergo hic tenetur respondere, uti judicat rem in se esse.

* * *

* *

INDEX